



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Name of School : HHCKLA BUDDHIST WISDOM PRIMARY SCHOOL

学校名称 : 香海正觉莲社佛教正慧小学

Name of Play 剧名 : 比魔法更重要的「魔法」

Script writer 剧作者 : 莫翠娟老师

Synopsis 故事大纲 :

魔法，是动画、电影中充满奇幻色彩的技能？是勇者历险后召唤出来的魔法？是只存活在传说中的力量？只是一种信仰？还是……

一班魔法研究学会的学生，对魔法充满热诚，各人对魔法却有独自的见解。得知魔法师出现的消息，众人想前往学习魔法，但真正的魔法到底是甚么？他们最终收获的又是怎样的「魔法」？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第一场：魔法研究学会

(众人各自研究魔法，睇书、讨论、摸水晶球、两只手指指太阳穴练念力、用魔杖训练)

会长 喂！大新闻、大新闻呀！

众人 嘘！

阿云 你唔好咁大声啦！会阻住我地研究魔法架！今次又有咩新闻呀？

会长 听讲最近有真慨魔法出现呀！

阿古 魔法？！系咪妈呢妈呢空嗰啲呀？！

阿灵 定系温加癲啦唯也萨嗰种魔法呀？！

阿古 或者讲声「magic！」，就变到啲野出黎啲啲？！

阿灵 都有可能系登登登登登就变出黎慨魔法啲！

勇者 哼！你地唔好咁傻啦！讲到魔法，梗系要一班勇者历尽千辛万苦、斩杀巨龙，集齐七色宝石碎片然后召唤出黎慨魔法啦！

阿古 哈哈！好笑！召唤？魔法边到驶召唤架？

阿灵 咪系！传说中嗰个光魔法好叻慨魔法师话，魔法系需要 1%天赋加上 99%练习就有架啦！

阿云 (练习念力) 你两个细声啲！唔好影响我的念力能量磁场呀！

勇者 天（指住阿古）真（指住阿灵）！太天真啦！阿古、阿灵，你地都识讲传说啦，咁都好信？成日都信埋晒啲古灵精怪慨野。至于阿云你概念力啦啲，哈！就好似你个名咁，成旧云咁嘢～从来都有见你成功过～

阿云 睇住黎啦！只要我日练夜练，总会成功慨！

书虫 勇者你又唔好咁讲，咁又真系有好多传说都有参考价值慨，例如系非洲有关用变色龙制作魔药慨传说，相传系一百几年前……

众人 嘘！

会长 大家唔好拗住，听我讲先。听讲前两日系日落开始到结束嗰段时间，有五彩十色慨灵光系西边慨觉悟山入面散发出黎，而且仲有一个身穿长袍慨神秘人添呀！

书虫 相传施行大型魔法嗰阵，的确系会有灵光出现。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

会长 冇错！一定系咁！我身为我地魔法研究学会慨会长，今次一定会去求证一下架啦！

阿灵 我！

阿古 仲有我！

书虫 咁去了解一下传说都有坏慨。

勇者 到时如果遇到啲妖魔鬼怪同恶龙，就交比我帮你地击退佢地啦！

阿云 到时我啲念力都帮到手喎！

众人 你成功左先至讲啦！

会长 （拍枱）好！咁我地就全员出动，听日出发！

（过场音乐）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第二场：出发

会长 书虫！

书虫 （托眼镜）到。

会长 勇者！

勇者 （威风凛凛）到！

会长 阿古、阿灵！

阿古、阿灵 到！

会长 阿云！（冇人应）冇冇人见过阿云呀？

阿云 （喘气）黎啦黎啦！sorry 呀，今朝做念力练习太入神，所以迟左出门口呀！

阿古、阿灵 你终于成功左啦？！

阿云 （兴奋）一百次入面有九十九点五次都……（众人双眼发光望住）失败左……（众人无奈）

会长 唔紧要啦！阵间我地搵到真正慨魔法师学习真正慨魔法之后，你都一定会成功用到念力架！事不宜迟！我地出发！

（音乐）（众人周围望、搵人）

阿古 喂呀，行左咁耐，一个人影都唔见啲，个消息到底系咪真架？

阿灵 咪系啰！我地足足行左一个钟啦，好似成堆盲头乌蝇咁周围飞黎飞去，真系会搵到魔法师咩？

勇者 唔好话魔法师呢个终极 boss 啦，我地连半条恶龙都见唔到呀！未消灭恶龙、未搵到宝石，点会见到魔法师学魔法呀？

阿云 唉，一日最衰都系我，如果我学识左念力，就可以用念力去搵魔法师啦……

会长 大家唔好灰心呀，个消息话黄昏慨时候先有灵光出现，依家距离日落仲有啲时间，我地仲有时间搵架！

书虫 不如我地试下向西边行过去搵啦，系好多传说入面，西方向来都系一个神秘又吸引慨地方，（数手指）传说中慨西方极乐世界、不为人知慨太阳国度，连孙大圣都到西天取经，仲有……

阿古 咦！嗰边好似有个人影啲！

阿灵 系啲！快啲过去睇下啦！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

书虫 果然系西边出现！一定系重要人物！

勇者 等等！都有可能系妖怪黎架啲，等我打头阵！大家跟住我后面！（众人警戒）

（紧张音乐）